

1 KORIN

Korin mbal tuku waṅe Paulusṅge ambonṅa kuyarna

Yesus nu luka samba mbol kina le yar 26 kinaig le Paulus nu Efesusṅge minmba Korin mbal tuku waṅe te kuyarna.

Korin tumbranṅ sunṅo ta Grik kilke mbolṅge minna. Tumbranṅ ta mbolṅge ma tugu yeki yeki tuku mbal pro tanṅe mine likinaig tukunu maṅau ṅaigonu mata sunṅokina. Korin mbal nane yabri mbara gudommmba mbariṅṅimmba minnaig le Paulusṅge pasa mayenu tumba nane tugum kumba tumṅiṅgina le isnaig wam kube ta Aposel 18 mbolṅge minit.

Korin mbal gudommmba Paulus nu Kristus tuku sakina le ismba ṅgamunṅal biye mbilmba kule pisne tinaig le Paulus nu nane ṅgamukṅge yar ndindo batenṅnu inum pirokina sulumba maṅ nane kusreka kina.

Paulus nu waṅe te kuyarna ta tugunu tenṅemba. Nu Efesusṅge minna le mbal afu nane nu tugum promba Kristus tuku mbal Korinṅge minig ta nane fare fare unekade ṅga nu kubeu tunaig sulumba sakinaig: Afu nane naṅgine maṅau ambokok ta maṅ lato ke likade. Nane pur yimyamka sine gabat kise kise tuku kuasmbi ṅgade. Nane tuku ande nu nuṅe ndare ndoṅ kinyna ta nane nu te-ti ndanaig. Nane kualeyaukade sulumba naṅgine naṅgine tira pasa mbolṅge kile-tidiṅgade sulumba fare fare tanṅo pino ndoṅ unekade ṅga Paulus

sanaig le nu pasa ta ismba nane tuku mbar kile-tidingam tuku waŋe te kuyarna sulumba wam pagu pasa sunḡomba nane ningina.

Taŋamba nu nane nu tuku kusna waŋe pilnaig ta turmba kumumbi lafuna.

¹⁻² Kuate tuku kuasmbi Korinḡe minig tane ŋakmba kaiye. Tane nuŋe mbal minam tuku Kuate nu wikate le tane Kristus Yesus ndoŋ ulendika nu tuku mbal mayok kinig. Kilke tugu ŋakmba mbolḡe siḡine Sunḡo Yesus Kristus tuku nyu teduḡgade mbal nane sine ndoŋ ulendika Sunḡo ndindo ŋak minig ta nane tuku turmba waŋe te kuyaret. Ye Paulus Kuate nu nuŋe nzali dubimba ye Kristus Yesus tuku aposel mini ḡa nyu temayokna. Ye siḡine tira Sostenes sile tane ndoŋ pasatam prowek.

³ Siḡine Mam Kuate Sunḡo Yesus Kristus nale tane ake sinaŋ make patika ḡgamuḡgal wamduš bul sertiḡuwaik. Son.

Paulus nu Kuate tuku garena

⁴ Kuate nu Kristus Yesus mbolḡe tane ake sinaŋ make patikina tukunu ye mara mara nu gare pasa tuwet.

⁵⁻⁶ Tane Kristus ndoŋ ulendika wam magenu ŋakmba kilnaig. Sine nu tuku pasa tane tugumuḡge kukligen le pasa ta tane tuku ḡgamuḡgal sinamuḡge sanḡri tiḡgina le tane katese maḡau tugusek ŋakmba ŋak minmba miḡe bulokmbi te-mayokde.

⁷ Tane siḡine Sunḡo Yesus Kristus luka prowam tuku minde minig ta wam ande tane mbolḡe den ndakate. Kuate nu buk wam magenu ŋakmba tiḡge suluna.

⁸ Nu tane san̄gri piletiŋmba minwa le ma ma nuŋe ait sun̄go mbolŋge mbar ande tane mbolŋge mayok kine nda.

⁹ Kuate nu nuŋe Kiŋo siŋgine Sun̄go Yesus Kristus tane nu ndon̄ mun̄gu gare ŋak minam tuku wikina. Nu siŋka wam ta te-mayokam̄gat.

Kuate tuku kuasmbi Korin̄ge purkinaig

¹⁰ Tira kame, ye siŋgine Sun̄go Yesus Kristus nu tuku nyu mbolŋge tane san̄grimba satin̄gam̄git. Tane pur yimyam ndaka ulendika tumawap sulumba tane wam ŋakmba mbolŋge ŋgamun̄gal ndindo pilmba kap.

¹¹ Tane kualeyaukade ta Klowi tuku wande tuma mbal afu ye tugum promba ye kubeu sinaig le ye isen ta teŋenmba.

¹² Tane purka tane afu sakade ye Paulus tuku tan̄go ŋgade. Afu ye Apolos tuku afu ye Petrus tuku afu ye Kristus tuku ŋgade.

¹³ Yoi. Tane Kristus purpurde le nu gudommba tanaŋ mayok kinig. Ye Paulus ye tanenu ŋga ail kazrai mbolŋge kume ndaken. Tane ye tuku nyu mbolŋge kule pisne te ndakinaig.

¹⁴ Ye tane ŋgamukŋge minmba afu kule pisne ndatiŋgen tukunu kile ye wam̄dus piti kugatok minet. Ye Krispas nale Gaius ndo kule pisneniken tukunu

¹⁵ tane sine Paulus tuku mbal minmba kule pisne tigen̄ ŋga sakam kumuŋ kuga.

¹⁶ O son. Ye Stefanas tuku wande tuma mbal mata kule pisneniŋgen. Ye afu turmba kule pisneniŋgen e ko kuga e ye idus ndawet.

¹⁷ Kristus nu tanjo kule pisneningam tuku ye kukul ndayina. Ye pasa mayenu kuklimba sanu tuku kukulyina. Ye pasa ta kuklimba kilke te tuku wamdus kilambi tanjo wamdus dubikam tuku sa ndaket. Kuga. Ye ail kazrai tuku sa ndo ket.

Kristus nu Kuate tuku wamdus kuyar te-mayokte

¹⁸ Kristus nu ail kazrai mbolnge kumna ta ngisikam tuku minig mbal nane pasa ta ismba nginngan pasa ndo ngade. Sine Kuatenge muskil kile-tidinge singit mbal sine ismba ta Kuate tuku sangri ngeg.

¹⁹ Kuyar pasa ande Kuate tuku minge tenjenmba sakate.

Nane kila sugo njak mbal yenje nane tuku kila njaigo siglikamngit. Wamdus kuyar mayenu njak mbal yenje nane tuku wamdus te-siwamngit ngate.

Aisaia

29.14

²⁰ Kuate tuku wamdus kila tanje kilke te tuku nginngan wamdus kila kilimok kile-mayokkate. Ta tuku kila njak mbal aninge? Ko kuyar pasa biteknanganu mbal aninge? Ko nangine wamdus kilambi afu tuku pasa kile-ibenjkade mbal aninge? Nane tuku kila alo kugatok.

²¹ Kuate nu tanjo nane nangine kilambi nu kila palmbim tuku ndin ta tukulna. Sine pasa kukliweg le afu nginngan pasa ngade ta pasa tanje ndo nane Kuate kila palmbim kumun. Nu pasa tambison ngade mbal muskil kile-tidinge ningit. Kuate tuku wamdus kuyar not.

22 Zu mbal nane wam kitek sangrinu kanđerkumba ndo son ngam idusde. Grik mbal nane pasa kila wamdus mayenu njak isam idusde.

23 Sinenđe Kristus nu ail kazrai mbolnđe kumna pasa ta kukliweg. Zu mbal nane pasa ta ismba gubra tumba pitaide. Grik mbal nane ismba nginngan pasa ndo ngade.

24 Sine Kuatenđe wikate mbal Zu ko kasomok mbal sine Kristus tuku pasa ta ismba son ngeg. Kuate tuku sanđri nu tuku wamdus kila nu mbolnđe minig le sine kila pileg.

25 Kuate nu wam te-mayokte le nginngan wam ngade ta tanđo tuku kila lite. Nu wam te-mayokte le gisleknu ngade ta tanđo tuku sanđri lite.

26 Tira kame, tane Kuatenđe wikate mbal tane tanđo ndanđ ndanđ. Afu tanđo am mbolnđe kila njak afu sanđri njak afu nyu njak tane ngamuknđe tanđo tanđanđ gudommba mine ndakade.

27 Kuga. Kuate nu kila njak mbal kiko tuwaig nđa kila kugatok mbal kilam tuku madinngina. Sanđri njak mbal kiko tuwaig nđa nu sanđri kugatok mbal madinngina.

28 Kuate nu nyu njak mbal ake aganđ tanđanđ mayok kuwaig nđa mbal nyu kugatok tanđo nane kanđerka talanngig ta kilam tuku madinngina.

29 Ta tuku ande Kuate am mbolnđe nunđe nyu payamkam kumuđ kuga.

30 Kile sine Kristus Yesus ndonđ ulendika abo kitek njak mineg ta Kuatenđe singit. Nunđe Kristus pilna le sine nu mbolnđe wamdus kila teg. Nu sine tuku muskil kile-tidnđe singit le sine Kuate am mbolnđe tinđreknu mayok ka nu tuku mbal purfenđu mineg.

31 Ta tuku kuyar pasa ande tenjenmba sakate.
Tango ima nu payamkam idusmba kande
nu Sungo wam ke likate ta idusniŋmba
payamkuwa ŋgate. *Yeremia 9.24*

2

Paulus nu Kuate tuku sangrimbi pasa kuklina

1 Tira kame, ye buk tane tugum promba Kuate
tuku pasa tugusek satinŋen ta wamduŋ kila ŋak ko
pasa kila sungo ŋakmbi sa ndatinŋen.

2 Ye Yesus Kristus nane nu ail kazrai mbolŋge
balenaig ta ndo idusmba satinŋen.

3 Ye pro tane ŋgamukŋge sanŋri kugatok kuru-
kuruka piririmba minen.

4 Ye pasa kukliwen ta tane tuku wamduŋ
didikam tuku ye pasa kila sungo ŋakmbi kukli
ndawen. Ye pasa sando ken le Tukul Guwa nu
pasa ta sanŋri pilena le tane son ŋginaig.

5 Wam ta mbolŋge tanŋine ŋgamunŋal son tanŋo
tuku wamduŋ kila mbolŋge mine ndakate. Kuate
tuku sanŋri mbolŋge minit.

Kuate tuku wamduŋ kuyar

6 Kuate tuku mbal nane kila sugo ŋak nane
ŋgamukŋge sine wamduŋ kila sugo ninŋeg.
Wamduŋ kila ta kilke te mbolok kuga. Kilke te
tuku sugo sugo kila kilig tanŋan sine kile ndakeg.
Mbal ta ŋgisikamŋgaig.

7 Sine Kuate tuku wamduŋ kila kuirok minna
ta te-mayokey le nuŋe mbal ndo ismba kila pilig.
Kuate nu kilke te-mayok ndana sulumba sine nu
ndonŋ kilŋa ŋak minbe ŋga nu tanŋamba wamduŋ tina
ta kuirok minna.

⁸ Kuate tuku wamdus ta kilke mbolok sugo sugo nane gilai minnaig. Nane kila minnaig kande Sunjo kilja sangri njak nu tumba ail kazrai mbolnje bale ndanaig kande.

⁹ Kuate tuku kuyar pasa ande tenenmba sakate. Kuate nu wam magenu nu tuku kume purde mbal ningam tuku madiningina. Wam ta sugokanu o mbolnje. Tanjo nane ammbi kanjer ndakade. Kilbambi ise ndakade. Wamdusmbi kamus ndaningig njgate. *Aisaia 64.4*

¹⁰ Wam magenu kuirok minig ta Kuate nu nuje Guwambi tumsingit. Nuje Guwa nu Kuate tuku wamdus njakmba kila minmba sine kila sasingit.

¹¹ Tanjo nu ande tuku wamdus kila mine ndakate. Nu nuje mironjo ndo nuje wamdus kila minit. Tanjamba ndo ande nu Kuate tuku wamdus kila mine ndakate. Nuje Guwa tanje ndo kila minit.

¹² Kuate tuku wamdus ta tanjo tuku wamdus tanjan kuga. Kuate nu wam sugo piya kugatok singina ta nu nuje Guwa singit tanje tumsingit.

¹³ Ta tuku nu wam sugo piya kugatok singina ta tanjo tuku wamdus kila tamba sine kukli ndaweg. Tukul Guwanje tumsingit le kukliweg. Kukliweg le Tukul Guwa njak mbal pasa ta ismba katesede.

¹⁴ Tukul Guwa kugatok minig mbal nane Kuate tuku Guwa tuku wam kame talaka njinggan wam ndo nga nane katesewam kumunjo kuga. Tukul Guwa njak mbal ndo nuje wam kame pilenja alonu kamusmba katesede.

¹⁵ Nane wam njakmba pilenja pitik katesede. Tukul Guwa kugatok mbal nane Tukul Guwa njak mbal kumumbi pileningam kumunjo kuga.

16 Kuyar pasa ande tenenmba sakate.

Ima nu Sunḡo tuku wamḡus kila minit?

Ima nu Sunḡo wam paguwam kumuḡ ḡgate. *Aisaia*
40.13

Pasa ta son. Sine Kristus tuku ndo kila mineḡ.

3

Kuate tuku gageu pur yimyam ndakap

¹ Tira kame, ye tane ndoḡ minmba Tukul Guwa ḡak minig mbal taḡaḡ pasa kila sugo ḡak sa ndatingen. Tane Kristus tinaig ta tane kiḡo dabronu ndo minmba kilke te tuku maḡau dubide mbal taḡaḡ minnaig.

² Ye nyamagaḡ kareḡnu tiḡe ndaken. Amo ndo tiḡen. Ait ta tane pasa kila sugo ḡak isam kumuḡ kuga. Kile mata tane taḡamba ndo minig.

³ Tane tuku mine ta kilke mbolok mbal taḡaḡ minig. Tane afu tuku mine am kikoḡ tiḡa kua-leyauka muḡgu tetka minig sulumba tane tuku mine ta kilke mbolok mbal taḡaḡ ndo minig tae. Tane taḡo kitek mayok ndakinig.

⁴ Ata. Tane afu sakade ye Paulus tuku taḡo ḡgade. Afu ye Apolos tuku ḡgade. Tane taḡakade ta tane Tukul Guwa kugatok mbal taḡaḡ minig.

⁵ Sile Apolos ndoḡ taḡo ndaḡ ndaḡ. Sile Kuate tuku piro taḡo ndo. Nuḡe piro walmba sikina le sile piro kikeḡ le tane pasa mayenu son ḡginaig.

⁶ Ye piro ta nyamagaḡ tumunu ḡguken le Apolos nu agaḡ tumunu ta kule tuna le Kuatenḡe ndo nyamagaḡ alonu te-mayokna.

⁷ Ta tuku agan ngukate tanjo agan tumunu kule tuwit tanjo nale ar ta nyu kugatok. Kuatenge nyamagan alonu te-mayokte nunge ndo nyu njak.

⁸ Agan ngukate tanjo agan tumunu kule tuwit tanjo nale kumu kumu piro tanjo ndo. Ngumnenja piro miro tanjo nu nale yimyam piya kumumbi nikamngat.

⁹ Sile Apolos ndon Kuate tuku piro tanjo ndo. Sile piro tuma kek. Tane Kuate tuku nyam piro tanjan minig.

Sine Kuate tuku tukul wande mineg

¹⁰ Tane Kuate tuku wande tanjan minig. Kuate nu ake sinan ye make pilmba piro sina le ye tane tugumnge tanjo wai kuyar njak tanjan wande ta tuku makek te-tiwen. Tanjo afu nane makek ta mbolnge wande alonu pilmba minig ta nane rironkuwaig. Makek ta mbolnge wande alonu fare fare pile ndakuwaig.

¹¹ Kuate tuku wande palmbim tuku makek buk siriwen ta Yesus Kristus. Afu nane makek kise sigrikam kumun kuga.

¹² Makek ta mbolnge piro mbal ail ndan ndan kilmba wande alonu palmbimngaig. Nane kuil anzin nzalail kilmba ko yakmbit kurbag tikbair kilmba pilwaig ta ngumnenja nane tuku piro kilimok mayok kanngaig.

¹³ Ait sunjo mbolnge panje piro mbal tuku piro yimyam tagoninguwa le nane piro mayede ko njayode ta kilimok mayok kanngaig.

¹⁴ Tanjo nu makek ta mbolnge wande pile mayete ta panje uge ndakuwa le nunje piro lafunu tamngat.

15 Ande nu pile maye ndate ta panje wande alonu ugwa le nu nuje piro lafunu te nda. Nu lafunu te ndakuwa sulumba nuje ngarosu ngisike nda. Nu pa tetka mayok kinit tanañ nu ngisike diramngat.

16 Sine Kuate tuku tukul wande mineg. Nuje Guwa sine sinamnge minit ta tane kila.

17 Wande ta Kuate nuje minam tuku madite. Tane tuku ande nu wande ta njayo siliwa ta Kuate nu tango ta njayo siliwamngat. Kuate tuku tukul wande ta sine.

Kilke mbolok kila ta tugusek kuga

18 Tane rironkap. Tane tuku ande ye kilke te mbolok kila njakmba njak minet ngate ta nu nuje wamdus mbarte. Nu kila ta njakmba ngumneninjmba nginngan tango mayok kuwa sulumba nu kila tugusek tuwa.

19 Kilke mbol mbal tuku kila Kuate am mbolnge nginngan wam ndo mayok kinit. Kuyar pasa ande tejenmba sakate.

Kila njak mbal nangine kila tuku yabri paknu tambu
Kuate nu nane kilmba kile-iberjkate ngate.

Yob 5.13

20 Kuyar pasa ande mata sakate.

Sungo nu kilke te tuku kila njak mbal kanjerka wamdus ta alo kugatok ngate. *Mune 94.11*

21-22 Ndanam saka tane gabat afu tuku nyu kiledunga payamkade. Ye Paulus Apolos Petrus sine njakmba tane turkam tuku ndo mineg. Wam njakmba minig ta tane tuku minig. Kilke te tane tuku minit. Abo minam tuku manjau kume manjau

wam kile minig afu ngumnennga prowamngaig ta
 njakmba tane tuku nga mayok kinig.

²³ Ata. Tane njakmba Kristus tuku minig le nu Kuate
 tuku minit.

4

Sunjonje ndo nuje piro tanjo pileningit

¹ Tane tenjenmba sine tuku idusap. Sine Kristus
 tuku piro mbal minmba Kuate tuku pasa tugusek
 kuirok minig ta kile-mayokkam tuku kulat mbal
 mineg.

² Sine piro kulat mbal sine kurauka piro ke
 mayebe nga saket.

³ Tanenje ko tanjo afunje ye tuku piro pilede ta
 ye tanaig nga ta tuku idus ndawet. Ye piro ket te
 yinje mironj mata pile ndawet.

⁴ Yinje mbar afu katese ndamba ye piro mayewet
 nga iduset ta ye wam ta mbolnje piro tanjo ku-
 mumbi mayok nda kinet. Sunjonje ndo ye tuku
 piro kumumbi pilete.

⁵ Ta tuku tane pitik ndo afu tuku wam pile
 ndaningap. Sunjo tuku ait ndo tairngap. Nu
 luka pro sine tuku manau kuirok minig ta njakmba
 kilnaniinguwa sulumba tanjo wam kam idusde ta
 kilimok kile-mayokkamngat. Nu tanawa le Kuate
 nu tanjo yimyam kumumbi nyu kile-dungamngat.

⁶ Tira kame, kuyar pasa tumsingit tanamba
 tane tanjo ande payamka ande tuku nyu te-ibenj
 ndawap. Ye tane tuku gabat njakmba tuku satinjit
 ta tane wam ta kila palpe nga sile Apolos sikile
 ngaro mbolnje pilmba satinjet.

⁷ Imanje tane magenu ngate le tane nane afu
 lininganu nga idusde. Tane wam njakmba kilig ta

Kuatenge tingit. Nunge tingit ta ndanam saka tane tanjine mironj kilanu sukmba payamkade.

⁸ Tane wam ande den ndakate nga idusde. Tane sine lisiŋmba nyu sugo ŋak minig ŋgade. Yoi. Sine tane tanjamba mayok kape nga wamdus sungo ŋak mineg. Tanjamba ndeta sine tane ndonj ulendika nyu sugo ŋak minbe.

⁹ Kuate nu sine aposel kilmba tanjo ŋakmba ŋgumnemŋge nyu kugatok patikina nga ye iduset. Ta tuku tanjo ŋaigonu bale faram tuku patikade tanjaj enel kame tanjo ŋakmba pro sine kile-ŋgamukka kanjer tidinŋa talasiŋgig.

¹⁰ Sine aposel kame Kristus tuku mbal mineg tukunu tanjo am mbolŋge ŋginŋan tanjo sanjri kugatok tanjaj mineg ta tane Korin mbal tane tejenmba sakade. Sine Kristus tuku mbal mineg sulumba sine kila ŋak mbal mayok kumba sine sanjri ŋak nga sakade. Tane Kristus tuku mbal minmba tanjo am mbolŋge nyu sungo tade ta sine nyu sungo nda teg.

¹¹ Sine aposel kame o buk kile mata gubak ndo minmba kule parasiŋmba tawi urfunu tinŋeg. Afunŋe sine ŋaigo siglikade le sine tumbranj kugatok tanjaj kine promba likeg.

¹² Sinjine waimbi piro karenka mundumbi nyamaganj piyaweg. Afu tumail pansinŋig ta lafu ndamba nane sinanu Kuate yabaneg. Afu piti sinŋig ta sine ŋgan patika ake mineg.

¹³ Afu kasursinŋig ta sine pasa bafumbi saniŋgeg. Tanjo pino ŋakmba sine aganj ŋaigonu tiglu tanjaj nga pitaikade.

¹⁴ Ye pasa sanjrinu kuyarit te tane kikotinjuwa

nga kuyar ndawit. Tane ye tuku kiŋo kame tukunu tane kile-tidiŋgam tuku pasa te kuyaret.

¹⁵ Tane Kristus tuku mbal piro taŋgo gudommba tane ndin tumtiŋgam tuku minig ta tane mam gudommba kuga. Ye pasa mayenu tumtiŋgen le tane Kristus Yesus tuku mbal mayok kinaig le ye tane tuku mam taŋaŋ minet.

¹⁶ Tane ye tuku maŋau te-purap nga sarsartiŋget.

¹⁷ Ta tuku ye Timoteus kukuli le tane tugum kaŋgat. Nu Suŋgo mbolŋge ye tuku kiŋo mayenu minit. Ye Kristus Yesus ndoŋ ulendika minet maŋau te nuŋge tane maŋ satiŋguwa le isap. Ye Kristus tuku kuasmbi tumbraŋ ŋakmba mbolŋge minig ta taŋamba tumniŋget.

¹⁸ Tane afu taŋgine ŋgarosu payamka sakade. A ... Paulus nu kuru-kuruka sine tugum prowe nda ŋgade ta

¹⁹ Suŋgo nu nuŋe nzali dubiwa le ye mine-minemba tane tugum prowamŋgit. Ye pro payamkade mbal tuku maŋau ta kaŋgeramŋgit. Nane tuku pasa ta alo ŋak e ko alo kugatok?

²⁰ Ande nu Kuate tuku gageu minit ta nu pasa ndo sa ndakate. Nu nuŋe maŋaumbi Kuate tuku sanŋri kile-mayokkate.

²¹ Tane ndaŋmba idusde? Taŋgine mbar maŋau sigair-sigairtiŋmba kile-tidiŋgi e ko kukotiŋmba pasa bafumbi satiŋgi e nga idusde.

5

Wam ŋaigonu kade mbal pitaikap

¹ Tane tuku ande nu mam nuje tuku pino kuaryamba nu ndonj minit nga sakade le ye iset. i ... Kuate gilai mbal mata tanjamba mbar ndade.

² Yoi. Tane payamka sine wam ande den ndakate ngade. Tane loka kiko njak malmbika minam kumuñ. Tango tanjamba tane ngamuknje kate ta nu tumba pitaiwap.

³⁻⁴ Yinje ngarusu tane ndonj mine ndakate ta yinje wamdus ta tane ndonj minit. Ye tane ndonj minanu tananj ye tenjemba satinjamngit. Tane manjur palpe le ye tuku wamdus Sunjo Yesus tuku sanjri nale tane ndonj manjurkamngaik.

⁵ Tane Sunjo Yesus tuku nyu mbolnje tango ta Satan tuku wai mbolnje palpe le nu tuku ngarusu njayo siliwa. Tanjawa le nu wam ta mbolnje ngamunggal biye mbilwa le Sunjo Yesus nu prowa le tango ta tuku guwa ngisi ndakuwa.

⁶ Tane payamkade ta wam maye ndade. Yis fudinndo plaua sinamnje pileg le yis ta plaua njakmba ulmba silite ta tane kila.

⁷ Ta tuku tane bret yis kugatok tananj purfenju ndo minap. Ata. Singine Pasowa tuku Sipsip Fat Kristus nane buk nu tumba balenaig. Ta tuku tanjine manjau ambokok yis tananj ta kile-panka manjau kitek njak minap.

⁸ Zu mbal nane Pasowa tuku kusem kanjerde manjau ta sine bret yis njak tananj manjau najgonu ambokok pitaikube sulumba bret yis kugatok tananj manjau tugusek kitek njak minbe.

⁹ Ye buk tane tuku wane ande kuaryamba tane unekade mbal ndonj ulendi ndakap nga kuyaren ta

¹⁰ ye Kuate dubi ndade mbal tuku sa ndatinjen.

Tane nane fare fare pino tanjo ndonj uneka aganj ndende kilam tuku piririmba yabri mbara mbarinje mbal ta njakmba kusreka aninje minamngaig? Minam tuku ma ande mine ndakate.

¹¹ Ye pasa kuyaren ta tugunu tejenmba. Ande nu ye Kristus tuku tanjo ngate sulumba fare fare pino ndonj unekate e ko aganj ndende kilam tuku piririte e ko yabri mbara mbarinje e ko afu tumail panninjit e ko kule kamenu nyumba nginngankate e ko aganj ndende kuayarte e ko mbar afu tanjamba kate ta tane nu ndonj ulendika isukuse ndakap.

¹²⁻¹³ Kuate dubi ndade mbal pileningam tuku piro ta sine tuku kuga. Kuatenge ndo nane tuku manjau pileningamngat. Sine tuku piro ta sinjine mbal ndo pileningam tuku. Tane tanjwap sulumba tanjo une njak ta pitaiwap.

6

Kristen nanjine nanjine pasa mbol ti ndanjuaig

¹ Ndanjam saka tane tanjine tanjine ande pasa mbolnje pilmba Kuate tuku mbal tugumnje te ti ndamba Kuate dubi ndade mbal tugumnje te tiwam kinig.

² Sine Kuate tuku mbal ngumnenga kilke te tuku mbal njakmba pileningam tuku mineg wam ta tane kila. Sine tanjamba wam sugo pileningam tuku mbal mineg ta ndanjam tane wam fonfonj kile-tidingam kumunj kuga ngade.

³ Sine enjel kame mata pileningamngig. Ta tuku sine kilke te tuku wam sinjka kile-tidingam kumunj.

⁴ Tane wam afu kile tidinḡam tuku ḡak minig ta ndaḡam Kuate tuku mbal laipniḡmba ake mbal tugum kinig. Tane wam ḡayode.

⁵⁻⁶ Ye pasa satinḡet te ismba kikotinḡuwa. Tane tuku ande nu ande tumba pasa mbolḡge pilit sulumba Kristus tuku son nda ḡgade mbal tugum kumba te-tite. Yoi. Tane tuku ndindo ande wamdus kila ḡak pasa te-tiwam tuku mine ndakate le tane taḡade e.

⁷ Tane taḡine taḡine ande tumba pasa mbolḡge pilig ta tane wam maye ndade. Afu tane ḡaigo siglika ko tane tuku aḡaḡ ndende kuayarwaig ndeta tane pasa kugatok minap ta maye ta

⁸ tane taḡamba mine ndakade. Kuga. Taḡine mironḡ taḡine tira ḡaigo siglika nane tuku aḡaḡ ndende kuayarde.

⁹ Maḡau ḡaigonu kade mbal Kuate tuku gageu mayok ka nu kulatkate ma mbol kine nda ta tane kila. Ta tuku tane rironḡkap. Taḡine wamdusḡge yabritinḡikat. Fare fare pino taḡo ndoḡ unekade mbal nane ma ta mbol kine nda. Yabri mbara mbarinḡde taḡo pino munḡu kuayarde taḡo taḡo ndo unekade mbal ta ḡakmba kine nda.

¹⁰ Aḡaḡ kuayarde, aḡaḡ kilam tuku piriride, kule kamenu nyumba ḡginḡgankade, tumail pan-ninḡig, afu katniḡmba nane tuku aḡaḡ ndende kilig ta nane ḡakmba siḡka Kuate tuku ma mbol kine nda.

¹¹ Tane afu buk taḡamba ke lika minnaig ta Ku-ate nu tane tuku une saukina. Kile tane Sunḡo Yesus Kristus siḡine Mbara tuku Guwa nale tuku sanḡri mbolḡge Kuate tuku mbal mayok ka nu am mbolḡge tinḡreknu minig.

Ngarosu kulatkam tuku pasa

¹² Tane afu sakade. Sine Kristus tuku mbal sine tukul kugatok mineg ngade ta son ta tukul kugatok wam afu keg ta sine tur ndasingig. Ye mata tukul kugatok minet ta wam afu tanje ye tuku ngamuŋgal didikikat nga ye wam ta ke ndaket.

¹³ Tane afu sakade. Agan ɲakmba nyam tuku minig. Funjul nu nyamagan ta nyam tuku minit ngade ta son ta Kuate nu agan ar ta kile-ɲgisikamɲgat. Tane kuraukap. Sine tuku ngarosu te fare fare tanjo pino ndon unekam tuku mine ndakate. Nu Sunjo tuku minit. Sunjo nu ngarosu te turam tuku minit.

¹⁴ Kuate nu nuɲe sanjrimbi Sunjo kumna le nu tuku ngarosu te-tina tanjamba ndo nu sine tuku ngarosu mata kile-tidingamɲgat.

¹⁵ Singine ngarosu te Kristus tuku ngarosu inum inumnu mine likade ta tane kila. i ... Sine Kristus tuku ngarosu inum inumnu kilmba fare fare pino ndon tumawam kumuɲ kuga.

¹⁶ Tanjo nu fare fare pino ndon kinyik ta nale ngarosu ndindo tanan mayok kinik. Kuyar pasa tenemba sakate.

Nale ngarosu ndindo mayok kinik ngate. *Mulum*

Pasa 2.24

¹⁷ Ande nu Sunjo ndon ulendikate ta nu Sunjo ndon ngamuŋgal ndindo mayok kinik.

¹⁸ Fare fare pino tanjo ndon unekam tuku manau sinja kurau mayewap. Wam ɲaigonu afu keg ta ngarosu ɲayo sili ndade. Fare fare pino ndon unekag ta ngarosu ɲayo silite.

¹⁹ Kuate nu Tukul Guwa tinjina ta kile nu tane sinamɲge minit. Tane tuku ngarosu ta nu tuku

tukul wande minig. Tane tangine mironɔ tuku mine ndakate ta tane kila.

²⁰ Tane nu tuku tanjo minam tuku Kuate nu piya sunjo kusrena. Ta tuku tangine ngarosumbi nu tuku nyu te-dungam tuku manau mayenu kam tuku palpe le minwa.

7

Tanjo pino munjo kilig tuku pasa

¹ Tane kusna wane ye tuku kuyarnaig ta kile lafuwamngit. Tanjo nu pino nda tumba ake minit ta nu wam mayete nget ta

² tane fare unekubekaig nga ye tenenmba iduset. Tane tanjo njakmba pino njak njak minap le pino mata tanjo njak njak minap.

³ Tanjo nu munjo kilanu manau kurauka dubimba nu nuje piyo nuje ngaro ngail ndawa. Pino mata tanjan nu tanjo nuje ngaro ngail ndawa.

⁴ Pino nu nuje mironɔ ngarosu kulat ndakate. Tanjo nujenge kulatkate. Tanjo mata nuje ngarosu kulat ndakate. Piyo nujenge kulatkate.

⁵ Nalekam ngaro munjo ngail ngail ndakap. Kuate yabanam nga tale arnen pasa katmba pinka ait fagnu ndo takile ngarosu kuraukap ta ndo kumun. Ait ta kugawa le tale man tumawap. Kuga ta takile nzali towe fuguwap le Satannege tale tagotikikat.

⁶ Pasa te tukul tanjan sa ndatinget. Ande nu pino tam idusmba kande tuwa. Ande nu ake minam idusmba kande ake minwa.

⁷ Tane njakmba ye minet tenenmba minap nga ye iduset ta Kuate nu sine ndui ndui sanjri yimyam singit.

⁸ Afu kosnu ko kuembol minig ta tane ye suk pino kugatok minig ta tane mayede.

⁹ Tangine nzali towam kumuṅ kuga kande muṅgu kilap. Tane muṅgu kile ndaka ṅgarosu tuku nzali kikoṅ tiṅga minwa ta ṅayo.

¹⁰⁻¹¹ Muṅgu kilnaig mbal ye tane teṅemba satingamṅgit. Pino nu tango nuṅe kusre ndawa. Nu tango nuṅe kusremba ndeta nu ake minwa ko nu maṅ tango nuṅe ndoṅ tumawa. Not ndo. Tango mata piyo nuṅe pitai ndawa. Pasa te ye tuku pasa ndo kuga. Suṅgo tuku pasa.

¹² Kile ye tane afu satingamṅgit. Suṅgo nu pasa te sa ndayate. Yiṅe wamduṣmbi satingamṅgit. Pino ande Kristus tuku son nda ṅga nu tango nuṅe kusrewam idus ndawa ndeta tango ta nu pino ta pitai ndawa.

¹³ Ko tango ande Kristus tuku son nda ṅga nu piyo nuṅe pitaiwam idus ndawa ndeta pino ta mata nu kusre ndawa.

¹⁴ Ta ndaṅam? Kristus tuku son nda ṅgate tango nu Kristen pino ṅak tukunu nu Kuate tuku mbal sinamṅge minit. Kristus tuku son nda ṅgate pino nu Kristen tango ṅak tukunu nu mata Kuate tuku mbal sinamṅge minit. Nanṅine kutu kame ta ina e ko mam mbolṅge nane Kuate tuku mbal tuku kiṅo kame mayok kinig. Nane kasomṅge minig mbal tuku kiṅo kame suk kuga.

¹⁵ Son nda ṅgate tango ko pino muṅgu kilik maṅau puram idusmba ndeta nu purwa. Tane tuku ande mbolṅge taṅamba mayok kinit ta tukul ande nu peuwam tuku mine ndakate. Kuate nu sine ṅgamuṅgal mukuk minam tuku wikate.

¹⁶ Kristen pino tango tane tangine tango ko pino

son nda ngade ta ndanmba ndin tumninmba kile-luka kilamnggaig?

Singine mine yimyam mbolnge ndo minbe

17 Kuate nu sine mine kise kise singina. Sine mine ta mbolnge mingenj le nu sine wikina. Kile mine ta kusrewam idus ndawap. Ye Kristus tuku kuasmbi njakmba tukul pasa ta saninget.

18 Ne ngaro pikna le Kuate nu ne wikina ta kile ne nzilal ta saukam idus ndawa. Ne ngaro nda pikna le Kuate nu ne wikina ta kile ngaro pikam idus ndawa.

19 Ngaro pikig e ko ngaro nda pikig manau ta alo kugatok. Sine Kuate tuku minje dubiweg wam ta ndo alo njak.

20 Tanjo yimyam ame mine mbolnge minnaig le Kuate nu wikina ta mine ta mbolnge ndo minap.

21 Ne ande tuku piro aganj tana minmba nu tugumnge piya kugatok pirokina le Kuate nu ne wikina ta ne rawe tanjo tana minam tuku piti ndanuwa. Naje kulat tanjo ne kusrenam tuku ndin ande mayok kuwa kande ne mayok kaye. Kuga ta tanaig.

22 Ne Sunjonje wikina tukunu kile ne Sunjo tuku tanjo minmba ndalekanu tana mine ndakate. Ko ne naje mironj naje nzali kulatka minna le Kuate nu ne wikina ta kile ne Kristus tuku piro aganj tana minit.

23 Kuate nu ne tam tuku piya sunjo kusrena. Ta tuku ne tanjo tuku piro aganj mayok nda kaye. Ne Kuate tuku piro aganj mina.

24 Tira kame, tane yimyam ame mine mbolŋge minnaig le Kuate nu wikina ta mine ta mbolŋge minmba Kuate tugumŋge minap.

Tango pino munŋu kile ndakade tuku pasa

25 Ye pino kosnu minig mbal tuku tukul ande Kuate tugumŋge ise ndaken ta Sunŋo nu ye turyate le ye wamdus tet te tugusek.

26 Ye teŋenmba iduset. Piti ait sunŋo te ŋgamukŋge mineg tukunu taŋgine minig maŋau kusre ndamba ta mbolŋge ndo minap.

27 Ne pino ŋak minmba ndeta pino pitaiwam idus ndawa. Ne pino kugatok minmba ndeta pino tam idus ndawa.

28 Nane munŋu kilig mbal piti sunŋomba kamusde. Piti ta tane laiptiŋgam tuku taŋamba pasa te satinŋet. Ande nu pino tate ta nu mbar ndate. Pino mbanzo nu taŋgo tate ta nu mata mbar ndate.

29 Tira kame, ye pasa satinŋit ta tugunu teŋenmba. Ait buk fag kinit. Ta tuku nane pino ŋak mbal wamdus pino mbolŋge ndo mine ndaka pino kugatok taŋaŋ minwaig.

30 Nane piti ŋak minig mbal wamdus piti mbolŋge ndo mine ndaka piti kugatok taŋaŋ minwaig. Gare ŋak minig mbal wamdus gare mbolŋge ndo mine ndaka gare kugatok taŋaŋ minwaig. Agaŋ ndende piyade mbal agaŋ ndende kugatok taŋaŋ minwaig.

31 Kilke kaŋgereg te ŋgisikamŋgat. Ta tuku tane kilke te tuku wam ŋakmba tuku sunŋomba idus ndaniŋgap.

32 Tane wamdus fulilka piti ŋak mine ndakap ŋga iduset. Tango nu pino kugatok nu Sunŋo tuku

wam kame ndo idusniɲmba nu gare tambim tuku ndin sotate.

³³ Tanɲo pino ɲak ta nu kilke te tuku wam kame turmba idusniɲmba nu piyo nuɲe gare tambim tuku ndin sotate.

³⁴ Ta tuku nu Sunɲo tuku idusmba piyo nuɲe turmba iduste le wam ar tanɲe nu didikade. Pino kosnu ko pino mbanzo ande nu Sunɲo tuku wam ndo idusniɲmba nuɲe wamdus ɲgarosu ɲakmba Sunɲo tuku palmbim kumuɲ. Pino tanɲo ɲak nu kilke te tuku wam turmba idusniɲmba nu tanɲo nuɲe gare tambim tuku ndin sotate.

³⁵ Pasa te ye tane turtingam tuku ndo satinɲet. Ye muɲgu kilig maɲau peu ndaket. Tane maɲau kumumbi ɲak minmba wamdus ɲakmbambi Sunɲo dubiwap ɲga ndin tumtinget.

³⁶ Tanɲo nu nuɲe kulim kulatkate le nu buk sunɲoka pino lete sulumba tanɲo kugatok minit le mam nuɲe nu tanɲo tambim idusmba kande tuwa. Ta mbar kuga.

³⁷ Ko nu nuɲe kulim kulatkate le nu tanɲo tam idus ndate le mam nuɲe nu wamdus ta saɲgrinu pilmba tanɲo ande tuwe ndakuwa ta mata nu mbar ndate.

³⁸ Maɲau arɲeɲ ta maye. Ande nu nuɲe kulim tanɲo tuwit ta maye. Ande nu nuɲe kulim tanɲo tuwe ndakate ta mayenu ndo.

³⁹ Pino nu tanɲo nuɲe abo minwa le kusre ndawa. Tanɲo kumwa le ndo piyo nuɲe nu nuɲe nzali dubimba tanɲo kise tam kumuɲ. Sunɲo dubite tuku tanɲo inum ndo tuwa.

⁴⁰ Nu tanɲo inum nda tuwa ta nu siɲka gare ɲak minamɲgat ɲget. Kuate tuku Guwa nu wamdus

sate le ye tanjamba satinget nga iduset.

8

Yabri mbara atraukade ndem tuku pasa

¹ Afu nangine yabri mbara atraukade ndem tuku ye kusnayinaig ta tenjenmba lafuwamngit. Sine kila njak nga sakade ta son ta tane sine kila njak mineg nga tanjine ngaro payamkade. Tane kume pur manjaumbi ndo tanjo sanjri pileningam kumuŋ.

² Ande nu ye kila njak minet ngate ta nu kila kumumbi te ndakate. Nu denkate.

³ Ande nu Kuate tuku kume purte ta Kuate nu tanjo ta kila minit.

⁴ Yabri mbara atraukade ndem nyam tuku sak-inaig ta tenjenmba. Nane nangine mbara kanunu atraukade ta tugusek kuga. Mbara ndindo ndo minit.

⁵ Nane afu mbara kame samba mbolŋge kilke mbolŋge mine likade nga sakade ta mbara tanjaŋ gudommba minig ta nane katesek mbara kuga.

⁶ Singine Mam Kuate nu singine Mbara Ndindo. Ande mine ndakate. Agaŋ ndende njakmba nu tugu. Sine nu tuku ndo mineg. Yesus Kristus nu singine Sunjo ndindo. Nu agaŋ ndende njakmba kile-mayokkina. Sine nu mbolŋge abo kitek teg.

⁷ Kristus tuku mbal afu wam ta kila pile maye ndade. Nane buk yabri mbara ta dubikinaig tukunu kile yabri mbara atraukade ndem ta nyumba wamdus gisleknu njak minmba nyade sulumba mbareg nga kutur tade.

⁸ Sine agaŋ pilenja nyeg ta mbolŋge Kuate tugum kine ndakeg. Sine agaŋ afu nda nyeg

ta mbolŋge den ndakate. Ko aganj afu nyeg ta mbolŋge kumumbi mayok nda kineg.

⁹ Sine tukul kugatok ndem ŋakmba nyam kumuŋ ta sine rironkube. Tira wamdus gisleknu ta bariŋgikat.

¹⁰ Ne tanjo kila ŋak mbara atraukam tuku wandekŋge ndem nyumba mina le nane tira wamdus gisleknu ne kanjernumba sanjri tinja nu mata mbara atraukanu ndem nyumba bariŋgikat.

¹¹ Ne nane kila mayenu tambu tira nane ŋayo silite. Ne kurauka. Kristus nu tira ta tuku mata kumna.

¹² Nane tira kame wamdus gisleknu minig le ne nane bariŋgam tuku ndin wakeite ta ne Kristus mata ŋayo silite.

¹³ Yinje tira ande ndem mbolŋge wamdus bariŋguwa ta ye ndem nduiye mbulmba nye nda.

9

Paulus nu piro tuku piya mbulna

¹ Ye afu kumnemŋge mine ndaka Kuate ndo kumnemŋge minet. Ye yinje ammbi Sunjo Yesus kanjeren sulumba nu tuku aposel minet. Ye Sunjo tuku piro ket le tane ye tuku piro alonu minig.

² Nane afu ye aposel kuga ŋgade ta tane am mbolŋge ye sinja aposel minet. Ye aposel minet ta alonu tane mbolŋge kilimok mayok kinit.

³ Nane afu ye tuku nyu te-ibenje ta ye tenjenmba nane saniŋgamŋgit.

⁴ Ye piro ka afu tugumŋge nyamaganj kilam kumuŋ.

⁵ Aposel kame afu Sunjo tuku maib kat nune Petrus turmba nanjine pino ŋak pasa mayenu

tuku likade ta ye mata pino ṅak ndeta tumba likam kumuṅ.

⁶ Aposel ṅakmba taṅgo tugumuṅge nyamagan kilmba nyade. Sile Barnabas ndoṅ sikile waimbi piroka nyamagan piyawamuṅgik ṅga idusde?

⁷ Kame taṅgo ndaṅ nuṅe miroṅ agaṅ ndende piyate? Kuga. Gafmanṅge piyate. Taṅgo ndaṅ nu nyamagan ṅguka alonu kile ndakate? Kuga. Nu alonu kilit. Makau kulat taṅgo ndaṅ nu gubak pirokate? Kuga. Nu makau amonu nyate.

⁸ Maṅau ta taṅgo tuku wamdus ndo kuga. Kuate tuku wamdus mata.

⁹ Moses nu Kuate tuku pasa teṅenmba kuyarna. Tane makau wit alonu tomba sikam tuku piro niṅmba alonu afu nye ndakuwaig ṅga miṅge tukul ndaniṅgap ṅga sakina. *Lo 25.4*
Kuate nu makau tuku ndo idusmba tukul ta sa ndakina.

¹⁰ Nu sine nu tuku piro biyeg mbal ta idussiṅmba sakina. Sine piro tugu pileg ko piro kulatkeg taṅamba piro ta tuku alonu kilbe ṅga nu pasa tambu tumsiṅgit.

¹¹ Sile Kuate tuku wam magenu tane ṅgamukuṅge ṅgukikenṅ. Ta tuku kile taṅgine agaṅ ndende fudiṅmba sikap ṅga wikam kumuṅ.

¹² Piro mbal afu tane tugumuṅge agaṅ ndende wikade ta sile nane liniṅgek. Sile siṅka wikam kumuṅ ta sile wi ndakek. Sile nane afu Kristus tuku pasa isam tuku ndin purpekik ṅga piti ṅakmba kile-ibenṅka pirokek.

¹³ Israel mbal tuku kusem wande sinamuṅge pirokade mbal nane wandek taṅge nyamagan kilig. Taṅgo pino tuku atrau piro biyig mbal nane

mata ndem ta tuku afu kilmba nyade ta tane kila.

¹⁴ Tanamba ndo sine pasa mayenu kukliweg mbal nane pasa isig mbal tugumnge ngarosu turam tuku aganj ndende kilap nga Sungo nu sasingina.

¹⁵ Ye tane tugumnge aganj ndende wikam kumunj ta ye wi ndaken. Ye kile mata aganj ndende sap nga pasa te kuyar ndawet. Kuga. Ye piroket sulumba piya kugatok gare njak payamket. Ye suwaig ta yiye payamket manau te purikat. Ye gubanje baleyuwa ta maye.

¹⁶ Ye pasa mayenu kukliwam tuku Kuate nu nyu sina. Piro ta mbolnge ye payamkam kumunj kuga. Kukli ndawet kande ye pa tam tuku minet kande.

¹⁷ Ye yiye wamdusmbi piroket kande piya tam tuku saket kande. Kuatenge piro te sina le nu tuku wamdus dubimba piroket tukunu ye kulat tanjo ndo.

¹⁸ Ta tuku ye pasa mayenu kukliwet te lafunu te ndaket. Ye lafunu tet ta tenenmba. Ye pasa mayenu kukliwet ta piya kugatok isig. Ye aganj ndende wikam kumunj ta ye wi ndaket. Manau ta mbolnge ye maro njak minet.

Paulus nu tanjo kilam tuku wamdus ndindo njak

¹⁹ Ye afu kumnemnge mine ndaket ta ye nane gudommba tuku wamdus kili le Kristus tuku son nguwaig nga ye yiye wamdusmbi nane njakmba kumnemnge minet.

²⁰ Ye Zu mbal tugumnge piroken ta nane tuku wamdus kili le Kristus tuku son nguwaig nga ye nane tananj minen. Ye tukul pasa kumnemnge mine ndaket ta ye tukul ta dubide mbal tugumnge

piroken ta nane tuku wamdus kilam tuku ye tukul
 ᅇakmba dubiken.

²¹ Ye kasomok mbal tugumᅇge piroken ta nane
 tuku wamdus kili le afu Kristus tuku son ᅇguwaig
 ᅇga ye nane taᅇaᅇ Moses tuku tukul kugatok
 mayok kan. Ye taᅇamba ken ta ye Kuate tuku tukul
 kusre ndaken. Kristus tukul pasa siᅇgina ta ye
 mara mara dubika minet.

²² Ye afu tugumᅇge wam afu ki le piti tubekaig
 ᅇga nane kilam tuku nane taᅇaᅇ wam ᅇakmba
 kurauken. Ye taᅇgo afu tuku wamdus kili le Kuate
 nu nane tuku muskil kile-tidiᅇge niᅇguwa ᅇga ye
 nane yimyam ᅇakmba tuku maᅇau dubiken.

²³ Ye wam ᅇakmba ke liket ta Kristus tuku pasa
 mayenu sunᅇokam tuku ke liket. Ta mbolᅇge pasa
 mayenu tuku alonu ye mata liye nda.

Sine wamdus saᅇgrinu ᅇak ndin mayenu dubibe

²⁴ Nane afu pinderka muᅇgu lilikade ta ndindo
 nu ambongate le nane nu tuku nyu te-duᅇgade ta
 tane kila. Tane mata nane taᅇaᅇ Kuateᅇge tane
 tuku nyu kile-duᅇguwa ᅇga tane saᅇgri tiᅇga ndin
 mayenu dubiwap.

²⁵ Pinderkade mbal pinder mbolᅇge saᅇgri tiᅇga
 pinderkam tuku nane ambonga naᅇgine ᅇgarosu
 tumtummba ᅇgarosu tuku nzali yimyam kile-
 ibeᅇkade. Nane pinder mbolᅇge kilke te tuku nyu
 sunᅇgo kugawam tuku ta tam taᅇade le sine nyu
 minmba minam tuku tam taᅇaweg.

²⁶⁻²⁷ Ye afu tugumᅇge pasa kuklimba dubi
 mayewam tuku tumniᅇget ta nane kumumbi
 ndin ta mbolᅇge pinderka nyu sunᅇgo tuwaig le
 yiᅇe mironᅇ kumumbi pinderka nyu sunᅇgo te

ndatikit nga ye tejenmba ket. Yiŋe ngarosu tuku nzaliŋge ye didikikat nga ye mara mara ngarosu mape ndamba te-ibenam tuku wamdus sangrinu pilet. Ye Yesus tugumŋge nyu sungo tam tuku wamdus ndindo ndo pilmba pinderket.

10

Israel mbal tuku maŋau katesemba rironkam tuku pasa

¹ Tira kame, sine Israel mbal tuku mbuŋ kame ma baknu mbolŋge maŋau kinaig ta tane idusap. Nane Moses ndoŋ gau ande nane ŋakmba kainingina le ŋak lika ŋakmba yu sinam sinam ka tabek kinaig.

² Nane Moses dubiwaig nga gau yu ta mbolŋge kule pisne taŋaŋ tumba Moses ndoŋ ulendikinaig.

³ Nane ŋakmba Kuatenge nyamagaŋ kule ndui ta ningina le nyinaig.

⁴ Ndame sinamŋge kule bulbulmba prona le nane nyinaig. Ndame ta Kristus tuku kanumnu taŋaŋ nane ndoŋ likina.

⁵ Nane taŋamba Kuate tuku wam kaŋgerkinaig ta Kuate nu nane gudommba tuku ndagariningina le nane ma baknu mbolŋge kume likinaig.

⁶ Mbuŋ kame tuku wam ta sine rironkam tuku tumsingig. Sine nane taŋaŋ wam ŋaigonu kam tuku ŋgamuŋgal kunde kunde ndasinguwa.

⁷ Sine nane tuku afu taŋaŋ yabri mbara tuku nyu te-du ndaŋgube. Kuyar pasa nane tuku tejenmba sakate. Israel mbal nane minyoka isukusnaig. Isukusmba kule nyumba nane tiŋga

kupesmba pino didik farmba une manau ke likinaig ngate.

⁸ Sine nane tuku afu tana fare fare pino tango ndon une nda kube. Mbar ta tuku ki ait ndindo mbolnge Kuatenge nane tuku 23,000 bale farna.

⁹ Sine nane tana Sungo tuku wamdus mukuknu tago tago ndabe. Nane tanaig le kame mben pro nane bale farnge likinaig.

¹⁰ Sine nane tana gubra tumba wam sak pile ndabe. Wam ta tuku kame enelge nane bale farna.

¹¹ Nane mbarnaig le palafunu nane mbolprowe likinaig ta tango kame kanerka rironkam tuku. Sine kugawam tuku ait mbolnge mineg mbal sine mata rironkam tuku nane tuku wam kube te kuyar pasa mbolnge minig.

¹² Ande nu sakate ye sangri nak ye tingam kumon ngate ta nu rironkuwa. Nu baringkat.

¹³ Satan nu wam nakmba tuku tago-tagosingit ta nu tango nakmba tana ndo tagoningit ta tago ait mbolnge Kuate nu kumumbi sine kulatkate. Nu sine tuku sangri kulatka minmba nu sine bike ndaka sangri tingam tuku ndin tursingit.

Sine mbara afu Kuate turmba dubikam kumon kuga

¹⁴ Tira kame, tane sinka kurau mayewap. Yabri mbara yimyam mbarin ndaningap.

¹⁵ Tane wamdus kuyar mayenu nak minig tukunu ye tuku pasa te ismba pilewap.

¹⁶ Sine grep kule murko nak tumba Kuate gare pasa samba nyeg ta sine Kristus ndon ulendika nu

tuku ndare nyanu taŋaŋ. Sine bret tumba fetka nyeg ta sine Kristus tuku ŋgarosu nyanu taŋaŋ.

¹⁷ Bret ndindo minit le sine tuma nyeg tukunu sine ŋakmba ulendika ŋgarosu ndindo mayok king.

¹⁸ Tane Israel mbal tuku maŋau kaŋgerap. Nane agaŋmor baleniŋmba Kuate atraukanu ma mbolŋge ndem inumnu tumba nyade ta nane Kuate ndoŋ ulendikade.

¹⁹ Ye pasa satinŋit ta yabri mbara atraukade ndem ta sanŋri ŋak ŋga sa ndaket. Ko yabri mbara nu minit ŋga idus ndawet.

²⁰ Kuga. Nane ndem tumba yabri mbara atraukade ta bukla ŋaigonu atraukade. Nane Kuate atrau ndakade. Tane bukla ŋaigonu ndoŋ ulendi ndakap. Ye mbulit.

²¹ Tane Sunŋo tuku grep kule nyumba nu ndoŋ ulendika maŋ bukla tuku grep kule nyumba nane ndoŋ ulendikam kumuŋ kuga. Tane Sunŋo tuku mbain tugumuŋge isukusmba nu ndoŋ ulendika maŋ bukla tuku mbain tugumuŋge isukusmba nane ndoŋ ulendikam kumuŋ kuga.

²² Sine Sunŋo pitaimba nu tuku ma mbolŋge bukla kame patikube ta nu gubra kagli firkaŋgat. Tane tuku sanŋri Sunŋo tuku sanŋri lite ŋga idusde e? Ndo kuga.

Sinŋine mine mbolŋge maŋau pileŋga kube

²³ Tane afu teŋenmba sakade. Sine Kristus tuku mbal sine tukul kugatok mineŋ ŋgade ta son ta tukul kugatok wam afu keg ta sine tur ndasiŋgig. Afu keg ta sine sanŋri pile ndasiŋgig.

24 Tane tanjine maye minam tuku idus ndawap. Nane afu tane tugumnge minig ta nane pitiniṅbekig nga idusmba manjau pilinga kap.

25 Maket mbolṅge ndem patikade ta piyamba nyap. Tane piyamba ndem te yabri mbara atraukaig e nga kusna ndaṅgap. Tane ndem piyamba fare nyap.

26 Kuyar pasa ande teṅenmba sakate. Kilke aganj ndende ṅakmba minig ta Kuate nu miro ṅgate.

27 Ande nu Kristus tuku son nda ṅganu nu ne ndoṅ isukusam tuku sanuwa le ne kambim idusmba kande kaye. Nu ndem tinwa le ake kilmba nyendo ka. Wamduṅ piti ṅak tumba ndem ta yabri mbara atraukaig nga kusna ndawa.

28 Ande nu ne sanumba ndem te yabri mbara atraukaig tuku ṅguwa kande ne nda nya. Tanjo ta nu wamduṅ piti tumba sanate ta ne nu idusmba nye ndaka.

29 Ne wamduṅ piti tikat nga ye sa ndaket. Tanjo inum ta nu wamduṅ piti tikat nga sanet.

Tane afu teṅenmba sakade. Ye tukul kugatok minet. Ndaṅam saka ye tanjo wamduṅ piti ṅak ta idusmba wam afu ye nda kam tuku sakate?

30 Ye Kuate gare pasa samba ndem tumba nyet ta maye. Ndaṅam ne ye tuku pasa ṅak ṅgade. i ... Tane tanjamba sa ndakap.

31 Tane nyamagan ko kule nyumba ko manjau afu ke lika gare tade ta Kuatenṅe ndo nyu sunjo tuwa.

32 Tane nane Zu mbal ko kasomok mbal ko Kuate tuku kuasmbi ndoṅ minmba nane bariṅgubekaig nga nane manjau nzaliniṅgit ta ndo kap.

³³ Ye mata tanjo njakmba tugumnge nane manau nzaliningit ta idusningmba wam ke liket. Ye nane gudommba tuku wamdus kili le Kuate nu nane tuku muskil kile-tidinge ningguwa nga ye yine piti kugatok minam tuku idus ndamba nane piti kugatok minwaig nga iduset.

11

¹ Ye Kristus tuku manau kumumba dubiwet. Tanjamba ndo tane mata ye tuku manau dubiwap.

Gabat songam tuku pasa

² Tane ye pasa satingen te bige magede tukunu ye gare-gareka tane mayede nget ta

³ ye kile wam ande tane katesewap nga satinngit ta tenenmba. Tanjo tuku gabat Kristus. Pino tuku gabat nuje tanjo nuje. Kristus tuku gabat Kuate.

⁴ Tanjo ande nu gabat songanu njak Kuate yabanje ko Tukul Guwa tugumnge pasa ismba kile-mayokkate ta nu Kristus kiko pilete.

⁵ Pino ande nu gabat so ndanja Kuate yabanje ko Tukul Guwa tugumnge pasa ismba kile-mayokkate ta nu mata nuje tanjo nuje kiko pilete. Nu tuku gabat kuerke sulude le kiko tate tanan.

⁶ Pino ande nu gabat songam mbulmba ndeta andenje nu tuku gabat waje kuer suluwa. Tanjawa le nu ta tuku kikowa le nu gabat songuwa.

⁷ Tanjo nane gabat so ndanguwaig. Kuate nuje suk tanjo wakeina le nu Kuate tuku kanumnu tanan minit. Pino nane gabat songuwaig. Pino nu tanjo tuku kanumnu tanan minit.

⁸ Kuate nu pino tuku ngarosu inumnumbi tanjo wakei ndana. Kuga. Nu tanjo tuku ngarosu inumnumbi pino wakeina.

⁹ Nu pino tuku nga tanjo wakei ndana. Kuga. Nu tanjo tuku nga pino wakeina.

¹⁰ Ta tuku pino kame nane tanjo kame kumnemnge minig ta te-mayokam tuku gabat songuwaig le enel kame nane kangerkuwaig.

¹¹ Sine Sunjo ndon ulendikeg mbal sine tanjo pino yimyam mine ndakeg. Sine munjo turkam tuku mineg.

¹² Kuate nu tanjo tuku ngarosu inumnu tumba pino wakeina. Kile pino tuku ngarosu mbolnge tanjo mayok kinig. Aganj ndende jakmba Kuate nu tugu.

¹³ Tanjine mironj manjau te pilengap. Pino nu gabat so ndanja nu Kuate yabante ta nu wam mayete e ko kuga?

¹⁴⁻¹⁵ Ata. Tane idusap. Pino nu gabat mapete le kuen kinit ta sine manjau mayenu ngeg. Kuatenge nune nane tumail pulukam tuku mindepiye tana njina. Tanjo nu gabat wane mapete le kuen kinit ta sine jakmba nu talamba kiko manjau ngeg.

¹⁶ Ande nu pino gabat so ndangam tuku sanjri tinga kualeyaukam bafuwa ta ye nu sawamngit. Sine aposel kame Kuate tuku kuasmbi jakmba pino kame gabat songanu jak manjau ta ndo dubiweg nga sawamngit.

Pasa nyam tuku manjau

¹⁷ Tane manjau afu kade ta ye ismba wam ta maye ndade nget. Tane kusem kangermba

maŋgurkade ait ta maŋau afu maye ndade. Taŋgine taŋgine muŋgu tur ndaka afu ŋaigo siglikade.

18 Tane Kuate tuku mbal maŋgur pilig ta tane wamdus pur yimyamkade ta afuŋge taŋamba sayade le ye ismba wam afu ta son ŋga iduset.

19 Ta ndaŋam? Pur yimyamkade maŋau ta son pasa mbolŋge Kuate nu Kristus tuku kuasmbi kilimok kile-mayokkate.

20 Tane maŋgurka tuma isukusig ta Suŋgo nu isukusam tuku maŋau siŋgina ta ke ndakade.

21 Tane maŋgurka kumu kumu isukuse ndakade. Tane yimyam pire pire taŋgine nyamagaŋ kilmba prode sulumba taŋgine ndek nye sulude le afu gubak minig afu grep kule suŋgomba nyumba ŋgiŋgankade.

22 Yoi. Taŋamba isukusam ndeta taŋgine wandekŋge nyap. Ko tane Kuate tuku kuasmbi talaniŋmba afu nyamagaŋ kugatok ta kiko pileniŋgam idusmba taŋade e? Wam kade ta mbolŋge ye tane wam mayede ŋga satinge nda.

23 Ye buk pasa nyam tuku maŋau tumtingen ta Suŋgoŋge sina ta teŋenmba. Yudas nu Suŋgo Yesus tumba ŋgueu mbal tuku wai mbol pilna furir ta mbolŋge ndo Suŋgo nu bret tumba

24 Kuate gare pasa tumba bret fetfetmba saniŋgina: Te ye tuku ŋgarosu. Tane turkam tuku tiŋget. Tane ye idusyam tuku maŋau te kumba minap ŋgina.

25 Nane taŋamba isukuse denpurnaig le nu grep kule murko ŋak tumba maŋau ndui ta ndo kina sulumba sakina: Grep kule murko ŋak te pasa kitek Kuate nu taŋgo ndoŋ katna ta alonu mayok

kambim tuku ye yiŋe ndare kutuwamŋgit. Tane grep kule tenen nyade ait ta ye idusyumba nyap ŋgina.

²⁶ Sunŋo nu maŋ pro ndawa le tane bret nyumba grep kule nyade ta siŋgine Sunŋo nu sinenu ŋga kumna ta te-mayokmba saka minig.

²⁷ Ta tuku ande nu Sunŋo tuku bret ko nu tuku grep kule ake fare tumba nyate ta nu mbarte. Nu Sunŋo tuku ŋgarosu ndare ŋaigo siglikate.

²⁸ Ande nu tumba nyam ŋga kande nuŋe maŋau pile mayemba kile-tidiŋgumba wamduŋ te-mayemba bret grep kule ta kilmba nyuwa.

²⁹ Ande nu Sunŋo tuku ŋgarosu idus ndamba bret grep kule ake fare kilmba nyate ta nu nyumba ta tuku pa lafunu ta tumba nuŋe ŋgaro mbolŋge pilit.

³⁰ Tane ŋgamukŋge afu taŋamba kade sulumba afu bakleimba afu guaze ŋak minig afu buk kume likinaig.

³¹ Sine siŋgine maŋau siŋgine miroŋ pileŋgube ta Sunŋo nu sine pilesiŋge nda.

³² Nu sine pilesiŋgit ta sine kilke te tuku maŋau dubide mbal ndoŋ ŋgisi ndakube ŋga nu pitisiŋmba kile-tidiŋgate.

³³ Tira kame, tane isukusam tuku maŋgurkade ta muŋgu minde-mindekap.

³⁴ Ande nu gubawa kande nuŋe wande mbolŋge isukuswa. Tane maŋgur mbolŋge mbarap le pa lafunu tane tubekaig. Ye pasa afu minig ta yiŋe miroŋ tane tugum prowi sulumba satingamŋgit.

12

Tukul Guwanŋe sine piro sanŋri yimyam siŋgit

¹ Tira kame, sine Tukul Guwanje piro sanjri yimyam walmba sinje likate wam ta tane tugunu katese mayewap.

² Tane o buk Kuate gilai minmba yabri mbara abo tugu kugatok mbarinjingam tuku tane didike likinaig.

³ Ta tuku ye kilimok tane satinjamngit. Ande nu Kuate tuku Guwanje wamdus tuwit le nu Yesus kasurmaba tapra ndate. Nu Tukul Guwanje wamdus tuwit le ndo Yesus nu Sunjo ngate.

⁴ Sine piro sanjri yimyam njak mineg ta Guwa ndindonge sinje likate.

⁵ Sine piro kise kise ke likeg ta Sunjo ndindo tuku pirokeg.

⁶ Sine sanjri kise-kisembi pirokeg ta Kuatenje sine nduik nduik njakmba mbolnje pirokate.

⁷ Tukul Guwa nu sine nduik nduik mbolnje sanjri kile-mayokkate ta tira njakmba turkam tuku.

⁸ Ande Tukul Guwanje wamdus tuwit le nu wamdus kuyar mayenu kile-mayokkate. Tukul Guwa ndui tanje ande wam kuirok minig ta sate le kile-mayokkate.

⁹ Nu ande sanjri tuwit le Kuate tuku sanjri tomba tinjam tuku nu den ndakate. Tukul Guwa ndui tanje ande sanjri tuwit le nu guaze pitaikate.

¹⁰ Nu afu walmba sanjri yimyam ninje likate le ande nu wam kitek sanjrinu ke likate. Ande nu Tukul Guwa tugumnje pasa ismba kile-mayokkate. Ande nu guwa magenu najgonu pilenja katesete. Ande pasa kuale gilai ta nu sakate. Ande pasa kuale gilai ismba nu pasa tugunu biteknjate.

¹¹ Piro san̄gri ta ŋakmba Tukul Guwan̄ge ndo kilemayokkate. Nu nūje nzali dubimba tan̄go pino nduik nduik piro san̄gri ta walmba nīngit.

Sine Kristus tuku ŋgarosu mineg

¹² Tan̄go tuku ŋgarosu sinam̄nge inumnu gudomm̄ba minig ta ŋakmba ulendika ŋgarosu ndindo ndo. Kristus tuku mbal mata tan̄amba ndo minig.

¹³ Sine afu Zu afu kasomok mbal afu piro tan̄go afu kulat tan̄go sine ŋakmba Tukul Guwa kule pisne tan̄an̄ tigen̄ sulumba ŋgarosu ndindo mayok kagen̄. Kristus nu Guwa ndindo ta sīngina le sine ŋakmba kule tan̄an̄ nyigen̄.

¹⁴ Tan̄go tuku ŋgarosu sinam̄nge agan̄ ndindo ndo mine ndakate. Inum inumnu gudomm̄ba minig.

¹⁵ Kupe nu sakumba ye wai kuga tukunu ye ŋgarosu te inumnu mine ndaket ŋguwa ta kumūŋ kuga. Nu ŋgarosu ta tuku inumnu minit.

¹⁶ Ko kilba nu sakumba ye am kuga tukunu ye ŋgarosu inumnu mine ndaket ŋguwa ta mata kumūŋ kuga. Nu ŋgarosu ta tuku inumnu minit.

¹⁷ Tan̄go tuku ŋgarosu am ndo minwa ta nu ame agan̄mbi pasa isam̄ngat? Ko nūje ŋgarosu kilba ndo minwa ta nu ndan̄mba agan̄ mundurnu kamusam̄ngat?

¹⁸ Kuate nu nūje nzalimbi ŋgarosu inum inumnu minam tuku ma madinīmba wakeikina.

¹⁹ ŋgarosu ŋakmba agan̄ ndui ta ndo minig kande ŋgarosu mine ndakate kande.

²⁰ Tan̄go tuku ŋgarosu inum inumnu gudomm̄ba minig ta ŋakmba ulendika ŋgarosu mayok kinit.

²¹ Amnge wai samba ne nda mina ta ye yiŋe ndo mine mayewamngit nga sawam kumuŋ kuga. Ko gabatnge kupe samba ne nda mina ta ye yiŋe ndo mine mayewamngit nga sawam kumuŋ kuga.

²² Siŋgine ngarosu mbolnge agan fonfon afu sanŋri kugatok ngeg ta mine ndakade kande sine mine maye ndaweg kande.

²³ Ngarosu inumnu afu kiko teg ta sine kulat mageka sonŋa mindepiye mageniŋgeg. Ngarosu inumnu afu te kuga.

²⁴⁻²⁵ Kuate nu ngarosu wakeina ta ngarosu pur yimyam ndaka kumu kumu muŋgu turkuwaig nga ngarosu tuku agan fonfon sine kulat magekube nga nu idusmba nanŋine ma madiniŋmba patikina.

²⁶ Ngarosu inumnu rar kamuste ta inumnu nŋakmba piti nŋak minig. Ngarosu inumnu nyu sunŋo tate ta inumnu nŋakmba nu mbolnge gare tade.

²⁷ Sine nŋakmba ulendimba Kristus tuku ngarosu mineg. Sine nduik nduik nŋakmba nu tuku ngarosu inum inumnu mineg.

²⁸ Kuate nu nuŋe kuasmibi afu piro sunŋo aposel patikate. Nane kumnemnge afu Tukul Guwanŋe pasa sanŋgit le ismba kile-mayokkam tuku patikate. Nane kumnemnge afu pasa kukliwam tuku patikate. Afu nane wam kitek sanŋrinu ke likam tuku, afu guaze pitaikam tuku, afu turka sinzaŋningam tuku, afu piro yimyam kulatkam tuku, afu pasa kuale nane gilai ta sakam tuku nu taŋamba taŋamba nane patike likate.

²⁹ Sine nŋakmba aposel piro ndo ke ndakeg. Nŋakmba Tukul Guwanŋe pasa sanŋgit le ismba kile-mayokkam tuku mine ndakeg. Nŋakmba pasa

kukliwam tuku mine ndakeg. Sine ηakmba wam kitek ke likam tuku sanjri ηak mine ndakeg.

³⁰ Guaze pitaikam tuku, pasa kuale gilai sakam tuku, pasa kuale gilai ta tugunu biteknjam tuku sine ηakmba piro sanjri kame ta kile ndakeg.

³¹ Tane ηakmba Tukul Guwa tuku piro sanjri sugokanu yimyam kilam tuku wamdus sanjrinu palpe.

Kile ye maηau sunjo ande kise tumtingamηgit ta piro sanjri afu ta ηakmba liniηmba mbolηge minit.

13

Kume pur maηau

¹ Ye tanjo kame ko enel kame tuku pasa kualembi sakam tuku sanjri ηak minmba kume pur maηau denket ta ye tuku pasa ta ηgiram wi sunjo ake kinit tanjan.

² Ye Tukul Guwa tuku sanjri afu ηak minmba Tukul Guwanje pasa sayate le ismba kilemayokka wam kuirok ηakmba katesemba ye Kuate tuku sanjri tomba tinja tabe dirningam kumuη minet sulumba kume pur maηau denket ta ye ake aganj tanjan minet.

³ Ye yiηe aganj ndende ηakmba sanzal mbal niηmba ko yiηe ηgarosu panje ugwa ηga bukηga kume pur maηau denket ta wam kame tanje ye turam kumuη kuga.

⁴ Ande nu kume pur maηau ηak minit ta nu ande tuku pitik gubra te ndakate. Nu mara mindek afu turkate. Nu afu tuku mine maηau tuku wamdus kagli fir ndakate. Nu nuηe ηgarosu te-du ndanηate.

⁵ Nu nuņe mironj payam ndakate. Nu afu tala ndaniņgit. Nu nuņe mironj yeye nda ŋgate. Nu pitik palseņ ndate. Nu ande tuku gubra pitik kusremba gilaiņgate.

⁶ Ande nu mbarte ta nu gare ndate. Nu sinanu wam tugusek ŋakmba tuku ndo gare tate.

⁷ Nu nuņe piti kugraka bike ndakate. Nu ande tala ndate. Nu wam ŋakmba kumumbi mayok kuwaig ŋa tairņga saņgri tiņga dirnaņgate.

⁸ Afu Tukul Guwa tugumņge pasa ismba kile-mayokkade saņgri ko pasa kuale gilai sakade saņgri ko wam kuirok kile mayokkade saņgri ta ŋakmba kugawamņgaig. Kume pur maņau ndo minmba minamņgat. Kugawe nda.

⁹ Sine Tukul Guwa tugumņge wam kuirok ko pasa ismba kile-mayokkeg ta afu ndo katesemba kile-mayokkeg.

¹⁰ Kile wam afu katese ndaweg ta ŋgumneņga ŋakmba kile-mayokkuwa le katesewamņgig.

¹¹ Ye kiņo minen sulumba ye kiņo tuku pasa kiņo tuku wamdus ŋak minen. Ye kiņo minmba wamdus pile maye ndawen. Kile ye suņgoka gua gua maņau ŋakmba kusreken.

¹² Kile sine kule nza mbolņge liņmba tumail kaņgerkeg taņaņ Kuate tuku wam kame kaņger maye ndaka wamdus te-suluweg. Ngumneņga sine kaņgerka katese mayewamņgig. Kile sine fudiņmba ndo kateseweg. Ngumneņga Kuate nu sine tuku wamdus kila minit taņamba ndo sine wam ŋakmba kumumbi tumsiņguwa le katesewamņgig.

¹³ Maņau keņmba minig. Ngamuņgal son maņau, Kuate mindeweg maņau, kume pur maņau. Wam

keŋ ta ŋgamukŋge kume pur maŋau nu sunŋokanu minit.

14

Pasa kuale gilai sakam tuku maŋau

¹ Tane kume pur maŋau ŋak minam tuku dirnaŋgap sulumba Tukul Guwa tuku piro saŋgri ŋakmba kilam idusmba Tukul Guwaŋge pasa saŋiŋgit le ismba kile-mayokkam tuku piro saŋgri ta tam tuku wamduŋ saŋgrinu palpe.

² Ande nu pasa kuale gilai sakate ta nu taŋgo kame sa ndaniŋgit. Nane pasa ta isig ta nane katese ndade. Nu Kuate sate. Tukul Guwaŋge nu tumte le nu taŋamba wam kuirok afu sakate.

³ Ande nu Tukul Guwa tugumŋge pasa ismba kile-mayokkate ta nane afu ismba kila pilmba saŋgri tiŋgade. Afu piti ŋak ta nane piti gagulmba ŋgamuŋgal bulkade.

⁴ Ande nu pasa kuale gilai sakate ta nu nuŋe miroŋ ndo saŋgri tate. Ande Tukul Guwaŋge pasa sate le ismba kile-mayokkate ta nu Kuate tuku kuasmbi saŋgri pileniŋgit.

⁵ Ye tane ŋakmba pasa kuale gilai sakam tuku iduset ta tane Tukul Guwaŋge pasa satinŋuwa le ismba kile-mayokkam tuku ta ye sunŋomba iduset. Ande Tukul Guwaŋge pasa sate le ismba kile-mayokkate saŋgri taŋge pasa kuale gilai sakate saŋgri ta lite. Ande nu Kuate tuku kuasmbi ŋgamukŋge pasa kuale gilai saka nane tugunu ismba saŋgri tiŋgam tuku nu biye mbil ndawa ta alo kugatok.

⁶ Tira kame, ye tane tugum promba pasa kuale gilai saki ta ye tane turke nda. Ye pro Tukul Guwa

tugumnge pasa ko kila kuirok afu ko tum pasa ismba kile-mayokki ta ye tane turtinngam kumuŋ.

⁷ Tango ande nu tabu tabu fitka ko ndombin katmba mune nin tugu dubi ndawa ta ima nu mune kuale katesewamngat?

⁸ Ko kame ngiram kuale tugusemba mayok nda kuwa ta ima nu kame agan kuanekamngat?

⁹ Tanamba ndo ne pasa kuale gilai sakate ta ima nu pasa ta katesewamngat? Ne tuku pasa ta ake pasa tanaŋ mayok ka ngisikate.

¹⁰ Kilke tugu nakmba mbolnge pasa kuale yimyam sunngomba minig ta nakmba alo nak.

¹¹ Tango ande nu pasa kuale ye gilai tambu sakuwa ta ye nu rawe tango nget. Nu mata ye rawe tango ngate.

¹² Tane Tukul Guwa tuku piro sanngri yimyam kilam tuku wamdus sunngo nak minig ta ye kila. Tane piro sanngri afu Kuate tuku kuasmbi turkam tuku ta kilam tuku sunngomba idusap.

¹³ Tane tuku ande nu pasa kuale gilai sakate ta nu mbilam tuku piro sanngri ta turmba tam tuku Kuate yabaŋwa.

¹⁴ Ande nu pasa kuale gilai tambu Kuate yabaŋte ta nu minngembi ndo sakate. Nuŋe wamdus pasa ta gilai minit. Tukul Guwa nu tuku minnge mbolnge pasa ta sakate.

¹⁵ Ta tuku ye tenenmba iduset. Ye Tukul Guwa mbolnge pasa kuale gilai tambu Kuate yabaŋmba maŋ yiŋe wamdus kilambi yabaŋamngit. Ko Tukul Guwa mbolnge mune kuale gilai tambu ulmba maŋ yiŋe wamdus kilambi mune ande ulamngit.

¹⁶ Ne Tukul Guwa mbolnge pasa kuale gilai tambu yabaŋmba Kuate tuku nyu te-dunnga nu gare

tuwit ta ne ndon mangurkade mbal nane pasa ta katese ndamba ne tuku yaban pasa son ngam kumuŋ kuga.

¹⁷ Ne Kuate tuku nyu tanamba te-dungate ta maye ta ne afu tur ndakate.

¹⁸ Ye Paulus pasa kuale gilai tambu sungomba saka tane njakmba litinget. Ta tuku ye Kuate gare pasa tuwet.

¹⁹ Ye pasa kuale gilai gudommba njak minet ta kusem mbolŋge ye sakam idus ndawet. Ye pasa kila ta ndo sakam iduset. Pasa kila ndui ndui saket ta pasa kuale gilai gudommba saket wam lite. Ye pasa kila saket tambu Kuate tuku wam afu nane tumningam kumuŋ.

²⁰ Tira kame, tane kiŋo kame tanan mine ndaka wamduŋ pile mayewap. Tane kiŋo dabro tanan wam njaigonu kam tuku gilai minmba tango tanan wamduŋ pile mayewap.

²¹ Kuyar pasa ande tenenmba sakate.

Sungo nu sakate: Pasa kuale kise rawe mbal tuku minŋe mbolŋge ye Israel mbal ye tuku pasa isam tuku saningit ta pasa ta nane mata ise nda ngate.

Aisaia 28.11-12

²² Pasa ta mbolŋge sine kila pileg. Pasa kuale gilai sakate sanŋri ta Kristus tuku son ngeg mbal ismba rironkam tuku sa ndasingit. Son nda ngade mbal ismba rironkam tuku saningit. Ande Tukul Guwa tugumŋge pasa ismba kile-mayokkate sanŋri ta sine son ngeg mbal sanŋri pilesingam tuku tanate. Son nda ngade mbal tuku kuga.

²³ Tane Kuate tuku kuasmbi mangurka njakmba pasa kuale gilai sake lika minap le gilai mbal afu ko son nda ngade mbal nane pro pasa ta ismba

tane nginngankade ngamngaig.

²⁴ Tane njakmba Tukul Guwanje pasa satinguwa le ismba kile-mayokka minap le gilai mbal ko son nda ngade pro pasa ta iswaig le nangine ngamunggal nduaseka nangine mbar tumninguwa le idusamngaig.

²⁵ Tanjamba nane nangine mbar kuirok minig ta ismba ndek dagol tidronga Kuate mbarinmba sakamngaig; Kuate nu sinjka tane ndonj minit nga sakamngaig.

Manjurkam tuku manjau tugusek

²⁶ Tira kame, tane manjurkap sulumba tenjenmba ke likap. Ande nu mune ulwa. Ande pasa kukliwa. Ande wam kuirok kile-mayokkuwa. Ande pasa gilai sakuwa. Ande nu pasa ta biye mbilwa. Tane tanjamba manjurkap sulumba tangine tangine sangri tingam tuku sangri kise kise kumumbi kile-mayokkap.

²⁷ Afu pasa kuale gilai tamba sakam kande armba ko kenmbanje ndo sakuwaig. Nane ndui ndui tinga sakuwaig. Tanjawaig le ande nu pasa kuale gilai ta biye mbilwa.

²⁸ Ande nu mbilam tuku mine ndakuwa kande nane minje tukulmba nangine ndo Kuate ndonj pasa gilai ta sakuwaig.

²⁹ Afu Tukul Guwanje pasa satinguwa le ismba kile-mayokkam kande armba ko kenmbanje ndo sakuwaig le isig mbalnge pasa ta pilenguwaig.

³⁰ Ande nu pasa ta kuklimba minwa le ande Tukul Guwanje pasa inum kitek sawa kande tanjo nu pasa kuklimba minit ta nu pitik pasa ta denpurmba minyokuwa le inum suk tinga sakuwa.

³¹ Tane ndui ndui ñakmba Tukul Guwanje pasa satinjuwa le ismba kile-mayokkap le wam ta mbolnje tane ñakmba kila kitek tumba sanjri tingamngaig.

³²⁻³³ Sine manjurka zigna tinja fare fare pasa sakam kumuñ kuga. Wam ta Kuate tugumnje pro ndate. Sine tuku manjur mayenu mayok kambim tuku Kuate nu iduste. Tukul Guwanje afu pasa sanjrit ta nane pasa ta kulatka towam kumuñ.

³⁴ Kusem kanjeram manjurkeg mbolnje pino kame minje tukulmba minwaig. Nane tukul pasa dubimba tanjo kumnemnje minwaig. Kuate tuku mbal ma yimyam mbolnje manjurkade nane ñakmba tanjade.

³⁵ Pino ande nu kusem mbolnje pasa kukliwa ta manjau mayenu kuga. Nane Kuate tuku pasa ismba kusna ñak kande nanjine wandeknje tanjo kat nanjine kusnaninjuwaig.

³⁶ Kuate tuku pasa ambonga tane Korin mbal tugum prona e? Ko sinenje ndo pasa te iseg nga idusde? Ndo kuga.

³⁷ Tane afu ye Tukul Guwa tugumnje pasa iset ko ye nu tuku sanjri tet ngade mbal tane ye pasa kuyarket te Sunjonje tuku tukul sina ta katesewap.

³⁸ Nane afu tanjamba idus ndawaig ndeta tane nane ngumneninjan.

³⁹ Tira kame, tane Tukul Guwa tugumnje pasa ismba sakam tuku piro sanjri ta tam tuku sunjomba idusap. Pasa kuale gilai sanu tuku sanjri ta mata peu ndawap.

⁴⁰ Tane manjur mbolnje manjau ke likade ta zigna tinja fare fare ke ndakap. Tane tugusemba

ke likap.

15

Kristus kummba maŋ tingina

¹ Tira kame, ye ambonga pasa tugusek satinŋen le tane isnaig sulumba pasa ta mbolŋge sanŋri tinga minig ta ye kile maŋ pasa ndui ta tane idusam tuku satinŋet.

² Tane pasa ta biye dewap le Kuate nu tane tuku muskil kile-tidinŋamŋgat. Tane ake miŋge pasa ndo sakade ta nu tane tuku muskil kile-tidinŋe nda.

³ Ye Kristus tuku pasa tugusek isen sulumba satinŋen pasa ta alo sunŋo ŋak ta teŋenmba. Kristus nu kuyar pasa kumumba sine tuku une saukam tuku nu kumna.

⁴ Nu kumna le ŋgukinaig ta nu maŋ kuyar pasa kumumba mara keŋnu mbolŋge tingina.

⁵ Nu tingina le Petrus nu kaŋgerna. Ta ŋgumnemŋge nane 12 nu kaŋgernaig.

⁶ Ngumnemŋga nuŋe tira kame gudommba 500 limba ma ande mbolŋge maŋgurkinaig le nane tugumŋge mayok kina le kaŋgernaig. Mbal ta kile gudommba minig. Ndui ndui ndo kume likinaig.

⁷ Ait ande Yakobusŋge nu kaŋgerna. Maŋ ait ande mbolŋge aposel ŋakmba nu kaŋgernaig.

⁸ Ngumne tukulmba ye tugumŋge mayok kina le kaŋgeren. Ye nane minig tajaŋ kuga. Ye kutu bizowanu tajaŋ prowen.

⁹ Ye Kuate tuku kuasmbi kilmba ŋaigo sigliken tukunu ye aposel nyu tet ta denkate. Ye aposel ŋakmba kumnemŋge minet.

¹⁰ Ye aposel minet ta yiŋe sangrimbi kuga. Kuate nu ake sinan ye make pilmba aposel pilna. Nu ye make pilna ta nu mbar ndana. Alonu tanjamba kilimok mayok kina. Ye piro karenka aposel njakmba tuku piro liningen ta yiŋe sangrimbi kuga. Kuate nu ye make pilna le ye tanjawen.

¹¹ Yenŋe tane tugumŋe pasa kukliwen e ko afunŋe ta wam sunŋo kuga. Sine njakmba tanjamba ndo pasa kukliweg le tane son nŋade ta ndo wam sunŋokanu.

Kumanu mbal tingamŋaig

¹² Kristus nu kumna le Kuatenŋe te-tina le tingina ta sine tanjamba ndo pasa kukliweg ta ndanjam saka tane tuku afu kumanu mbal man tinge nda nŋa sakade.

¹³ Tane kumanu mbal man tinge nda nŋade ta son ndeta Kuatenŋe Kristus mata te-ti ndana.

¹⁴ Nu Kristus te-ti ndana ndeta sine pasa kukliweg te mata alo kugatok. Tanjamba ndeta tane nu tuku sanŋri tomba tingade ta mata tane turtinge nda.

¹⁵ Kuatenŋe kumanu mbal kile-tidi ndanŋate ndeta Kristus kumna le Kuatenŋe te-tina pasa sakeg ta mata son kuga. Tanjamba ndeta sine Kuate tuku yabri pasa ndo sakeg.

¹⁶ Kumanu mbal Kuatenŋe kile-tidi ndanŋate ndeta nu Kristus mata te-ti ndana.

¹⁷ Nu Kristus te-ti ndana ndeta tane nu tuku kume tuku sanŋriŋge tursingam kumun nŋade ta tane turtinge nda. Tanjamba ndeta tane une njak minmba nŋisikam tuku minig le

¹⁸ nane afu Kristus tuku son nŋa kumnaig mbal nane mata kummba nŋisikinaig.

19 Sine kilke te mbolŋge mineg le Kristus nu sine tursiŋgit. Kumbe le maŋ tursiŋge nda ta son ndeta sine kile yabri wamdus ndo dubimba sine afu tuku mine liniŋmba siŋka sinamanzer sunŋo mbolŋge mineg.

20 Taŋamba kuga. Kuatenŋge Kristus nu kumna le te-tina. Kristus nu kumanu mbal ŋgamukŋge nu ambonŋa tiŋgina le ŋgumneŋga kumanu mbal ŋakmba tiŋgamŋgaig.

21 Taŋgo inum mbolŋge kume maŋau mayok kina. Taŋamba ndo taŋgo inum mbolŋge kummba tiŋgam tuku maŋau mayok kina.

22 Taŋgo ŋakmba Adam tuku ndare mbolŋge kile sine kumeg. Taŋamba ndo sine Kristus tuku son ŋgeg mbal kummba nu mbolŋge maŋ abonŋa tiŋgamŋgig.

23 Sine siŋgine ait prowa le tiŋgamŋgig. Kristus nu ambonŋa tiŋgina. Nu luka prowa le sine Kristus tuku mbal mata abonŋa tiŋgamŋgig.

24 Nu promba sugo sugo ŋakmba Kuate tuku ŋgueu minig ta kile-ibenkuwa sulumba nuŋe gageu ŋakmba kilmba Mam Kuate wai mbolŋge patikuwa le kilke te kugawamŋgat.

25 Kristus nu gabat sunŋo minwa sulumba nuŋe ŋgueu ŋakmba taŋamba kile-ibenke suluwamŋgat.

26 Nu ŋgueu ŋakmba kile-ibenka ŋgumne tukulmba nu kume maŋau mata te-ibenamŋgat.

27 Kuyar pasa ande teŋenmba sakate. Kuate nu agan ndende ŋakmba kilmba nu tuku kupe kumnemŋge patikamŋgat ŋgate. *Mune*
8.6

Kuate ndo nu kumnemŋge mine ndakate. Nuŋge agan ndende ŋakmba Kristus kumnemŋge

patikuwa le

²⁸ kile Kuate tuku kinjo nu Mam nune kumnemnge minamngat. Tanjawa le Kuate nu aganj njakmba tuku Sungo minamngat.

²⁹ Nane afu nanjine kumanu mbal turkam tuku kule pisne tade. Kumanu mbal manj tinje ndanjade ta son ta ndanam nane kumanu mbal tuku kule pisne tade?

³⁰ Ko ndanam sine aposel kumam tuku piro keg?

³¹ Tira kame, ye mara mindek kumam tuku dirnanget ta tane ye ndonj sinjine Sunjo Kristus Yesus dubiweg ta ye tane tuku payamket.

³² Ye kummba manj ti ndanget kande ye Efesusnge aganjmor nguikok tananj nane afu ye ndonj kame bunaig ta ake rar ten kande. Alonu kilke te mbolok wam kuga. Kumanu mbal manj ti ndanjade kande sine tenjenmba sakeg kande.

Sine mine minemba nduiye kumamngig. Ta tuku sine minmba kule nyumba pagumba nyumba gare-gareka ndo minbe njgube. *Ai-saia 22.13*

³³ Yoi. Tane yabri wamdus ta te-ndakap. Ande nu mbal najgonu ndonj ulendikate ta nu tuku manjau mayenu nanenje njayo silide.

³⁴ Tane wamdus te-mayemba une manjau njakmba kusrekap. Tane afu Kuate tuku manjau gilai minig ta tane sinjka kikotinjuwa.

Ngarosu kitek tamngig

³⁵ Nane afu tanjo kummba manj abonja tingam tuku pasa te ismba ye kusnayumba Kuate nu ndanmba kumanu mbal kile-tidingamngat? Ngaro ndanj tumba tingamngaig nga kusnayamngaig.

³⁶ Yoi. Ne agañ tumu ngukate le kilkek sinamnge kumit sulumba ndo mange prote.

³⁷ Ne anġenu ngu ndakate. Ne tiñnu ndo ngukate. Ngukate le mange promba kuzru pilit.

³⁸ Ne agañ tumu ngukate le tiñnu yeki yeki Ku-atenge anġenu madiniġina tañamba ndo prode. Tiñnu mindek nanġine anġe ta mayok kinig.

³⁹ Ngarosu tuku ndem ndui ta mine ndakade. Taño ndem agañmor ndem sar umañ ndem kualegañ ndem ta ñakmba kise kise mine likade.

⁴⁰ Samba mbolok agañ kame ngarosus ñak minig ta mindepiye nanġine kise. Kilke mbolok agañ kame ngarosus ñak minig ta mindepiye nanġine kise.

⁴¹ Ki tuku bulu tambun tuku bulu mbai tuku bulu ta ñakmba kise kise. Mbai kame mata bulu kise kise ñak minig.

⁴² Kumanu mbal tiñgamnġaig ta tañamba ndo. Nane kumig le ngukade ngarosus ta menġa ngisikade. Nane tiñguwaig sulumba ngarosus kitek mañ me ndanġam tuku tiñgamnġaig.

⁴³ Ngarosu ngukeg ta mayenu kuga. Ngarosu kitek ta mayenu ndo. Ngukeg ta gisleknu. Ngarosu kitek ta sanġri ñak.

⁴⁴ Ngarosu ngukeg ta kilke te mbolok agañ. Ngarosu kitek ta samba mbolok agañ. Kilke te mbolnġe sine ngarosus ñak mineg tukunu samba mbolok ngarosus kitek mata minit.

⁴⁵ Kuyar pasa ande teñenmba sakate. Adam ambokok nu taño abo ñak mayok kina nġate ta Adam ngumnekok nu Guwa mayok ka abo tugu kitek siñġina.

⁴⁶ Samba mbolok wam ambonġa mayok kine ndakate. Kilke mbolok wam ambonġa mayok kinit

le samba mbolok wam ngumnemnge mayok kinit.

⁴⁷ Tango ambokok ta Kuate nu kilkembali wakeina le kilke mbolok tango mayok kina. Tango ngumnemnga mayok kina ta nu samba mbolnge ndekina.

⁴⁸ Kilke mbolok mbal Kuatenge Adam kilkembali wakeina nane nu tana minig. Tanamba ndo sine Kristus tuku mbal samba mbolok tango Kristus tana mineg.

⁴⁹ Tango Kuatenge kilkembali wakeina ta sine nu tuku ngarosu nak mineg. Tanamba ndo sine samba mbolok tango tuku ngarosu nak minamngig.

⁵⁰ Tira kame, kilke te tuku ngarosu nu Kuate kulatkate ma sinam kine nda. Ko ngisikam tuku ngarosu te abo minmba minam tuku wam te nda.

⁵¹ Ye pasa kuirok ande te-mayokamngit. Sine Kristus tuku mbal nakmba kume nda. Afu ndo kumamngaig ta nu prowa le sine nakmba ngarosu kitek nak mayok kangig.

⁵² Kugawam tuku ait tabil wikuwa le ma telinte tana ngarosu kitek mayok kangig. Tabil wikuwa le Kuate nu kumanu mbal ambonga ngarosu me ndangam tuku nak kile-tidinguwa le sine abo nak mineg mbal nane ngumnemnge ngarosu kitek nak mayok kangig.

⁵³ Sine ngaro mengate te mbilmba me ndangate ngaro tamngig. Sine kumeg ngaro mbilmba kume ndakam tuku ngaro tamngig.

⁵⁴ Sine tanamba mayok kube le Kuate tuku kuyar pasa tuku alonu mayok kangat ta tenemba sakate. Kume manau ta Kuatenge te-ibenmba nduiye pitaite ngate. *Aisaia 25.8*

⁵⁵ Kuyar pasa ande mata tenemba sakate.

Kume tuku sanjri aninje?

Kume tuku kame aganj ta tuku panu kamusde. *Hosea*
13.14

⁵⁶ Ima kate tukul lukaka unekade ta nane kume tuku kame aganj ta tuku panu kamusde.

⁵⁷ Sine tanjamba kuga. Sine Kuatenje Sunjo Yesus Kristus singina le sine nu tuku sanjrimbi une te-ibenjeg sulumba Kuate tuku gare-garegeg.

⁵⁸ Yinje tira kame, tane wam ta idusmba bike ndaka sanjri tinga minap sulumba nu tuku piro kumumbi kap. Tane tanjamba Sunjo tuku piro kap ta piro ta lafunu mayenu njak minit ta tane kila.

16

Afu turkam tuku ndametin patikap

¹ Kile ye Kuate tuku mbal ndametinmbi turkam tuku satinjamngit. Ye Kristus tuku kuasmbi Gale-sia ma mbolnje mine likade ndametin manjurkam tuku saninjen tanjamba ndo tane kap.

² Tane nduik nduik njakmba tanjine piro mbolnje ndametin kilig ta kusem mindek giganmba kilig ta kumumba tanjamba patikap. Tanjawan ta ye tane tugum prowi le tane patikam tuku piro karenje nda.

³ Tane tanjo afu madiningap le ye pro waje afu kuyarka ninji le nane ndametin ta kilmba Yerusalem kuwaig.

⁴ Ye mata Yerusalem kambim tuku idusmba ndeta nane ndon kanjit.

Paulus nu Korin kambim tuku sakina

⁵ Ye Masedonia kilke mbol kambim idusmba minet. Ye ka sulumba tane tugum ta prowamngit.

⁶ Pro tange tane ndon ait afu minamngit. Ko bubre ait ndeta ait kuennu minamngit. Tanjawi sulumba ye tumbran ndan kambim bafuwi kande tane ye agan ndendembi sinzanjap le ka.

⁷ Ye pro ait fagnu tane kusreka kambim idus ndawet. Sunjo nu nzaliwa le ye ait kuennu tane ndon minam tuku iduset.

⁸ Ye Efesus tumbran sunjo te mboŋge piroka mini le Pentikos kusem kugawa le kanjit.

⁹ Sunjoŋge pironu tuku malanga talkina le tenge piroket le alonu gudommaba mayok kinig ta nane gudommaba piro te peuwam tuku tago-tagode.

¹⁰ Timoteus nu tane tugum prowa le tane nu tanjine gulab tanan tap le nu wamdus bulok nak tane ndon minwa. Nu ye minet tenen Sunjo tuku pirokate.

¹¹ Ande nu tala ndawa. Tane nu ndon wamdus ulendi tuma minmba nu tumba sinzanjap le ye tugum te prowa. Ye tira afu ndon nu te prowamngat ngina ta tuku tairnga mineg.

¹² Apolos nu tira afu kilmba tane tugum kuwa nga sarsaren ta kuga. Nu ait mayenu ande tairngate. Ait ande mayenu prowa le nu tane tugum prowamngat.

¹³ Tane kurauka Kristus tuku pasa son ngade ta biye dewap. Tanjo sanjiknu kuru kuru kugatok tanan minap.

¹⁴ Tane wam kade ta kume pur manjambi ndo kap.

¹⁵ Tira kame, Akaiia mbal ngamuknge Stefanas nuje ndare tuma ndon ambonga ngamungal biye mbilmba son nginaig. Kile nane Kuate tuku mbal turka sinzanjningam tuku idusmba minig ta tane

kila.

¹⁶ Stefanas nane afu nu tanan piro karenkade mbal nane tane tuku gabat minwaig nga iduset.

¹⁷ Tangine mbal Stefanas Fortunatus Akaikus nane ken ta ye tugum pronaig le ye gare sungo ten. Kile ye tane nakmba ndon minanu suket.

¹⁸ Nane ye wamdus bul seryade. Tane tuku wamdus mata bul sertingig. Tangi kame tanan minig ta nane tuku nyu idusningap.

¹⁹ Kristus tuku kuasmbi Asia kilke mbolnge mine likade nane tane gare pasa tingig. Akuila le Prisila, Kristus tuku kuasmbi nale tuku wande mbolnge mangurkade ta turmba Sungo tuku nyu mbolnge gare pasa sungomba tingig.

²⁰ Tira kame nakmba nane gare pasa tingig. Tane mata tangine tangine mungu kume purkade manau ta alonu te-mayokap.

²¹ Ye Paulus kile yije waimbi kaiye pasa te kuyaramngit. Tane nakmba kaiye.

²² Ande nu Sungo Yesus tuku kume pur ndate ta nu ngisikam tuku minit. *Maranata.* *

²³ Sungo Yesus nu tane sungomba make patikuwa. Son.

²⁴ Tane Kristus Yesus ndon ulendikade mbal ye tane nakmba tuku kume purmba minet.

Son.

* **16:22:** Maranata pasa ta tugunu: Singine Sungo, ne prowa.

KUATE TUKU PASA
Portions of the Old Testament and The New Testament
in the Siroi Language of Papua New Guinea
Sampela hap Buk Baibel long tokples Siroi long
Niugini

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 18 Apr 2025 from source files dated 31 Aug 2023

9d2e8659-afb4-5cca-93d8-23ebf89e1709